



Aqqalu C. Jerimiassen

UKA 2023/20

Atassut

14. april 2023

Nioqquṭissanik eqquṣsuinermi akitsuutit pillugit Inatsisartut inatsisaata allanngortinnera pillugu Inatsisartut inatsisissaattut siunnersut

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Neqit avataaniit eqquṣsuunneqarnerannut akitsuutit atorunnaarsinnejqaraluttualernerat maanna piffissaalluarpoq, tassami nunarsuatsinni akit qummuinnaq ingerlalerfianni aningaasallu pisissutaasinnaasup qaffariartunngivissutut inissismaffiani minnerpaamik arlaatigut uagut maani iliuuseqartariaqaratta.

Neriunaqaarlumi taamannak akitsutinik atorunnaarsitsineq nioqquṭissat akiisa pisiniarfinni appaateqalaarsinnaaneranik kinguneqarumaartoq.

Takusareerparpummi maanna neqinik nillataartunik pisiassaqrifiunngitsuni, tassalu Pilersuisoqarfiusuni qanoq neqit qerisut akii ingasattajaapajugunarlugit akisutiginersut.

Illuanilli uagut Brugseneqarfiusuniittusugut nillataartut pingasukkaat akikinnerusumik pisiarisinnaasarigut sipaaruteqarluta.

Tassani inatsimmi aaqqiinissami pingaaṛtuuvvoq taamaattumik, Naalakkersuisoqarfik suliaqartariaqartoq, pilersuisumi nioqquṭissanik suliaqartarneri qanoq akit malunnaatilimmik neqit allallu akikillisarneqarsinnaanersut akitsuutaarutereernerisa kingorna, atuisunut malunnaateqarluartumik.

Akitsutinimmi appaanerup siunertariunnarsivaa, atuisartut kaasarfiisa imaqarnerulaalersinnaanissaat, taannalu suliassaraarput suli annertuneruleriartortuartissallugu, imaanngitsoq mangiarusaartuassallugu.

Taamaattorli eqqaamasamma ilaanik taasaqalaarusuppunga, Naalakkersuisuunerma nalaani Neqi A/S savaaqqanik ilivitsunik avataaniit eqquṣsisarnerminut akitsutinik immikkut atorunnaarsitsivigineqaruseulluni oqariartuuteqarnikuusoq eqqaamaniarpala. Tassami ukioq naallugu suliffeqarfiup ingerlaannarsinnaanissaanut akilersinnaanerusumillu ingerlasinnaanissaanut, savat maanna toqorarneqartartut naammanngitsutut taaneqartarmata.

Taamaattumillu Atassummiit akitsuutit atorunnaarnissaat akerlerinngilluinnaraluarlutigu, savanut akitsuutip mininneqarsimanera isummamigut assortukannersutut isiginjarsinnaavarput.



Oqareernitsitulli, siunertaq taperserparput, unalu siunnersuut isigerusupparput suliat ima ittut aallartiffiattut, sulilu amerlanerungaartut allat nioqqutissat akikillisarneqalerumaarnissaannut suleqatigeeqqissinnaanerput neriuutigalugu.

Taamatut Atassummiit oqaaseqarluta, siunnersuut toqqaannartumik ilusaatut akuerivarput.